

Uunga siunnersuut: Kangerlussuarmi, Narsarsuarmi Kulusummilu innaallagissamut imermullu nunap sinnerani akinut naligiissarneqarnissaat pillugu Naalakkersuisut 1. Januar 2019-miit atuutilertussamik Mittarfeqarfiit aqutugalugu naligiisitseqqullugit peqquneqarnissaannik Inatsisartut aalajangiiffissaattut siunnersuut.

Inatsisartunut ilaasortaq Aqqaluaq B. Egede, Inuit Ataqatigiit

pillugu

Sanaartornermut Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Sanaartornermut Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, Siulittaasoq

Inatsisartunut ilaasortaq Peter Olsen, IA, Siulittaasup tullia

Inatsisartunut ilaasortaq Bentiaraq Ottosen, Atassut

Inatsisartunut ilaasortaq Justus Hansen, Demokraatit

Inatsisartunut ilaasortaq Pele Broberg, Partii Naleraq

UKA2018-imi ulloq 5. november siullermeerinninnerup kingorna Sanaartornermut Ataatsimiititaliap siunnersuut misissorpaa.

Siunnersuutip imarisai siunertaalu

Siunnersuuteqartup kissaatigaa sumiluunniit najugaqaraluaanni innaallagissamut imermullu nunap sinnerani akit naligiissarneqarnissaat qulakkeerpeqassasoq.

1. Siunnersuutip Inatsisartuni siullermeerneqarnera

Siunnersuut ataatsimut isigalugu isumaqatigiissutigineqarpoq aammalu siunnersuutip itinerusumik Sanaartornermut Ataatsimiititaliami suliarineqarnissaa isumaqataaffigineqarpoq.

Apeqqutit

Sanaartornermut Ataatsimiititaliaq Inuussutissaqarnermut Nukissiuuteqarnermullu Naalakkersuisumut apeqqutinik nassiussivoq. Ataatsimiititaliap apeqqutai akissutillu **ilanngussa1**-miipput.

2019-imut Aningaasanut inatsisissap pingajussaalerneqarani Naalakkersuisut siunnersuummut allannguutissamik saqqummiussiniartut akissutaanni erserpoq, mittarfeqarfinni innaallagissamut imermullu akit appartinneqarnissaanut aningaasaliinikkut tunngavissaqalernissamik nassataqassaaq taamaaliornikkut assigiimmik akeqartitsineq nuna tamakkerlugu atuutsinneqalissaaq, sakkutooqarfiit pinnagit.

Siunnersuutip aningaasatigut kingunerisassai

Inatsisartut suleriaasissianni § 33, imm. 1-imi erserpoq, siunnersuutip aalajangiunneqartup piviusunnigortinneqarnerani aningaasaqarnikkut kingunissai siunnersuutip pilersinneqarneranut pissutaasunut allaaserineqassasut.

Siunnersuutip aningaasaqarnikkut kingunissai Narsarsuarmi Kangerlussuarmi Kulusummilu namminersorlutik inuussutissarsiuteqartunut oqilisaataassaaq, innaallagissamut aningaasartuutaasunut. Imermut tunngatillugu aningaasartuutitut Narsarsuarmi Kulusummilu oqilisaataassaaq. Kangerlussuarmulli namminersorlutik inuussuteqartunut aki qaffalaartussatut inississasoq, Ataatsimiititaliap paasivaa.

Sumiiffinni ataasiakkaani qanoq tamakkiisumik aningaasartuutikillisaaffiusut, aningaasartuutaanerulersullu apeqqutaalluinnassaaq, sumiiffinni qanoq immikkut atuitigisoqartigissanersoq, ilaatigut tamanna suliffeqarfiup suut suliarisarnerai apeqqutaalluni.

Mittarfeqarfiit nuna tamakkerlugu inissiatiminut piffissami sivilisunerusumi minnerusumik akiliteqarnissamik piumasaqarsimanera, Ataatsimiititaliamit ilisimaneqarpoq. Tamanna nalinginnaasunnigortinniarneqartoq taamaattumillu naatsorsuutigineqassasoq Mittarfeqarfiit tassuunakkut isertitaqarnerulernissaat, Ataatsimiititaliap paasivaa.

Ataatsimiititaliap siunnersuummik suliarinninnera

Siunnersuut Ataatsimiititaliap misissorpaa tamatumanilu innaallagissap erngullu maannamut oqaluttuassartai sukumiisumik misissorlugit. Tassunga atatillugu Inatsisartuni ukiuni kingullerni naalakkersuinikkut kissaatigineqartut tunngavigalugit Ataatsimiititaliaq apeqqutinik nassiussivoq.

Qanoq tapeeqatigiittoqartarnera akiligassiissutini nassuiaatigineqarnerata pissusissamisoorinnaanersoq Ataatsimiititaliap oqallisigivaa. Tassa aki eqqortoq taavalu aki akilerneqartoq akiligassiissutini ataasiakkaani takuneqarsinnaassaaq. Taamaaliornikkut nammaqatigiinnerup qanoq akeqarnera kikkunit tamanit takuneqarsinnaassaaq.

Innaallagissap, erngup, kiassaateqarfiit, siammarterineq, akiliutit il.il. nunami nukissiorfinnut

katersuuteqqullugit tassuunakkut annertussuseq pitsaassuserlu kiisalu suliffeqarfimmi ilisimasat tassaniiginnarnissaat qulakkeerneqassammata, ataatsimut katersoqqullugit Ataatsimiititaliamit Naalakkersuisunut sakkortuumik kaammattuutigineqassaaq.

Ataatsimiititaliap inassuteqaatai

Allanguutissatut siunnersuut una Inatsisartunit akuerineqassasoq Sanaartornermut Ataatsimiititaliap isumaqatigiittup inassutigaa.

Akit Kalaallit Nunaata sinnerani akinut naleqqutileqqullugit Kangerlussuarimi, Narsarsuarimi Kulusummilu innaallagissamut imermullu akit kingusinnerpaamik 1. januar 2019-imi nalimmassarneqarnissaannik Naalakkersuisut peqquneqarnissaat pillugu Inatsisartut aalajangiiffigisassaatur siunnersuut.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Anders Olsen, Siulitaasoq

Bentiarq Ottosen

Peter Olsen, siulittaasup
tullia

Justus Hansen

Pele Broberg